



Jen Būreejtōn
Henry B. Eyring

Rikakipilōklōk eo Kein Kajuon ilo
Būreejtōnji eo Kein Kajuon

Kōketak Er n̄an Jar

Ke Iaar juon ajri edik, jema im jinō raar katakin eō kōn waanjoñak n̄an jar. Iaar jino kōn juon pija ilo lōmñak e aō kōn Jemedwōj Ilañ kōn an ettoļok. Ke Iaar ekōkke ļok, jeļā eo aō kōn jar eaar oktak. Pija eo ilo lōmñak eo aō eaar erom juon iaan ro an Jemedwōj Ilañ eaar epaake lok, eo ej waļok ilo juon meram emeram, im eo eweppān an jeļā kōn n̄a.

Oktak jab in eaar itok ke Iaar bōk juon naan in ka-mool emool bwe riboot eo an Joseph Smith kōn eñjake eo an ilo 1820 ilo Manchester, New York, ej mool:

“Iaar lo juon joor in meram ilōñ in wōt bōra, eo meram eo an emeram ļok jān al ilo raelep, eo eaar jidik wōt an wanlaļtak m̄ae iien eo ej pād ejjak eō.

“Ilo iien eo wōt ke ej waļok Iaar lo bwe iaar joor jān kajoor eo enana eaar lukōj eō. Ke meram eo ej pād ejjake eō Iaar lo ruo armej ro, eo meram eo aer im ai-boojoj eo aer eaar pen kōmeļeļeik, jutak ilōñ in bōra ilo mejatoto. Juōn iaer eaar kōnono n̄an eō, kūr eō kōn eta im kar ba, jitōñļok eo bar juōn— *Eñin ej Neju Jitōnbōro. Roñjake E!*” (lale Naan In Kaṃool Eo An Rikanaan Joseph Smith—pārokūrāap 11–12).

Jemedwōj Ilañ eaar pād ilo bukin wōjke eo ilo jibboñ in iien meņeņ eo eaiboojoj. E eaar kūr Joseph kōn etan. Im E eaar kwaļok kadkad in Rilōmōor jerkakpeje eo an laļ in ainwōt Eo “Nejin Jitōnbōro.” Jekdōon naat im

jekdōon ia kwoj jar, naan in kaṃool eo aṃ kōn mool eo an eñjake aiboojoj jab in emaroñ kōjeramṃan eok.

Jemed eo me jej jar n̄an e ej Anij eo aiboojoj me ear kōmṃan laļ ko kōn Nejin Jitōnbōro. E ej roñjake jar ko ad ainwōt An kar roñjake jar eo an Joseph—ainwōt an alikkar wōt eļaññe raar kōmṃani ilo iṃaan Mejān. E ej iakwe kōn joñan E eaar letok Nejin ainwōt ad Rilōmōor. Kōn menin letok jab in E eaar kōmṃan bwe en pidodo n̄an kōj n̄an bōk mour jab wabanban im mour indeeo. Im E ej letok, kōn jar ilo etan Nejin, iien eo emṃan n̄an kōnono Ippān ilo mour in ikutkut in wōt ad kālōt.

Rikabwijer priesthood ro ilo Kabuñ eo an Jisōs Kraist im Armej ro Rekwojarjar ilo Raan-ko Āliktata ewōr ippāer lōke eo ekwojarjar n̄an loļok mōko iṃōn kajjojo memebōr im *kōketak er n̄an kwaļok ainikien aer jar im ilo ittino* im kōmṃani aolep jermal ko an baamle (lale D&C 20:47; kar kobaik tok aorōk ko).

Ekanooj lōñ wāween ko n̄an kōketak jabdewōt n̄an jar. N̄an waanjoñak, jemaroñ kwaļok kaṃool bwe Anij eaar kakien kōj n̄an jar iien otemjej, ak jemaroñ kō-meļeļeik waanjoñak ko jān jeje ko rekwojarjar im jān jeļā ko ad make kōn kōjeramṃan ko me rej itok jān jar in kaṃoolol ko, eowar, im kajjitōk. N̄an waanjoñak, Imaroñ kaṃool bwe Ijeļā bwe Jemedwōj Ilañ ej uwaaki

jar ko. Emōj Aō bōk tōl im kaenōmman jān naan ko me kar itok nān lōmṅak e aō, im ljeļā kōn Jetōb bwe naan ko raar jān Anij.

Rikanaan Joseph Smith eaar wōr an eñjake ko kōn kain in, im kōn menin komaroñ. Eaar bōk uwaak in nān jar eo emool an būruwōn:

Anij eaar kalimṅuri kōn aenōmman ilo jetōb eo an im kar jiroñ e bwe apañ im kaenātan ko an renaaj an jidik wōt iien.

E eaar ba bwe eļañne emman an niknik, Anij enaaj lōñaj e ilōñ (lale D&C 121:7–8).

Ekar mađenlōk eo jān Jemed eo emman nān juon nejin laddik etiljek ilo eñtaan eo eļap. Aolep ajri ro nejin Anij maroñ kōnono Ippān ilo jar. Eñjake ko an iakwe im meram eo me eaar itok nān eō ainwōt uwaak nān jar ettā ko aō eaar lāplōk an jelōt eō jān jabdewōt naan in kōketak nān jar.

Jej bōk juon naan in kaṅool kōn jabdewōt kien an Anij jān kejarok kien jab eo (lale Jon 7:17). Emool menin kōn keañ eo bwe jān jar ilo an lōñ ainikien im ilo ittiño. Ainwōt aṅ rūkaki im mōttam, Ij kalimṅur bwe Anij enaaj uwaake jar ko aṅ im bwe kōn kajoor eo an Jetōb Kwojarjar, komaroñ jeļā kōn kwe make bwe uwaak ko rej jān E.

KATAKIN JĀN ENNAAN IN

- “Pija ko rej tuuļ ko raorōk nān kōkajoorlōk lōmṅak eo eļap an juon katak” (*Teaching, No Greater Call* [1999], 176). Kwaļok juon pija in Joseph Smith ak Loļok eo Kein Kajuon. Ekōnono kōn eñjake eo an Joseph Smith kōn jar. Ekōjkan an jar ko aṅ naaj lāplōk meļeļeier eļañne kwoj lōmṅake “Jemedwōj llañ . . . epaak tok,” ainwōt Būreejtōn Eyring?

- Ainwōt an Būreejtōn Eyring kwaļok, lōmṅak in kwaļok naan in kaṅool eo aṅ kōn jar, kōmeļeļeik kōjeramman ko kwar būki kōn jar, ak kwaļok eon ko kōn jar.

JODIKDIK RO

Aō Jar in Tōmak

Jen Priscilla Farias de Lima

Ke laar 18, laar jermal ilo juon mōn wia kōbwebwein lowaan em ainwōt juon ruwia kake. Jikejuuļ in jermal eo Aō eaar kanooj pen. laar jermal jān 8:00 a.m. nān 10:00 p.m., Mānde nān Jādede. laar būromōj kōnke laar jab maroñ in bōk kuṅaō ilo institute im maķūtkūt ko an Kabuñ in.

laar jino jar nān Jemedwōj llañ kōn juon tōmak eļap nān kajjitōk Ippān nān jipañ eō lo juon jermal me ljjab aikuj in jermal ilo Jādede ko bwe In maroñ etal nān institute im maķūtkūt ko jet.

Juon raan ilo jermal laar jipañ juon emman. Kōm kar jino kōnono, im eaar ba eaar jermal ilo juon bank eļap. laar kajjitōk ekōjkan Aō maroñ in jiae nān jermal eo epeļlōk ilo pejne in. Eaar letok etan im taļboon nōmṅba eo an im jiroñ eō lmaroñ kūr lōk armej eo ej bōk eddo in kōjermal armej im ba ljeļā kajien. laar etal nān bank eo im kar kōmṅmani teej ko remenin aikuj. laar pāāj im kar jino jermal jiljino awa juon raan Mānde nān Bōļaide, kōļļā jilu kōttan an lāplōk jān ta eo laar kōļļā mōkta.

ljeļā lrooj ej tōl kōj ñe jej ikirelel nān likūt E mōkta. E ej tōl eō aaet rainin. ljeļā kōn pedped eo kōn jar ej mool.



Tōmak, Baamle, Deor

Rikejparok ro an Mweo

Katak kein katak in im, nē ekkar, ekōnono kake ippān jejtōr ro komij loḷok. Kōjberbal kajjitōk ko nān jīpañ eok kōkajoorḷok jejtōr ro anj im nān kōmḡman bwe Doulul eo an Kōrā en mōttan eo emourur tata ilo mour eo am make.

Komij rikejparok ro an mweo,” Būreejtōn Gordon B. Hinckley (1910–2008) eaar ba ke eaar kōmeleḷeik “Baamle Eo: Juon Kean nān Laḷ in” ilo kweilok eo eḷap an Doulul eo an Kōrā ilo 1995. “Komij rikieotak ajri ro. Komij ro rej kōkkajiriri er im ejaake ilo er iminene ko an mour ko aer. Ejjeḷok bar jerbāl ekwojarjar in wōt kōkkajiririk ḷaddik im leddik ro nejin Anij.”¹

Iumwin 17 iiō ko kiiō keañ in emōj an kar kapenḷok bwe jerbāl ko ad raorōk tata rej ioḷapḷap in kōkajoorḷok baamle ko im mōko—jekdoḡon ta jekjek ko ad kiiō. Barbara Thomas, rikakipilōklōk eo kein karuo kiiō ilo būreejtōnji eo eḷap an Doulul eo an Kōrā, kar pād ilo Salt Lake Tabernacle eo ke Būreejtōn Hinckley ekar jinoin tata riiti keañ eo. “Eaar juon iien eḷap,” e ej kememej. “Iaar eñjake aorōk eo an ennaan eo. Iaar barāinwōt lo aō make ḷōmḡnak, ‘Menin ej juon tōl emḡmantata nān ro jemen im jinen. Ej barāinwōt juon jerbāl ḷapḷap nān ro jemen im jinen.’ Iaar ḷōmḡnak jidik bwe eaar jab lukkuun ḷap an jejjet nān nā kōnke Iaar jab ḡare im kar ejjeḷok neḷū ajri. Bōtaab eaar kanooj ḡōkaj Aō ḷōmḡnak, ‘Bōtaab ejjab jejjet nān nā. Ij juon uwaan juon baamle. Ij juon leddik, juon

jejtōr, juon jinen kōrā, juon leddik rilikin, juon leddik mañden, im juon leddik jibwin. Ewōr aō jerbāl ko—im kōjeramḡman ko—kōnke Ij juon uwaan juon baamle. Meñe eḷaññe Iaar juon uwaan baamle emour an baamle eo aō, Ij wōt juon uwaan baamle eo an Anij, im ewōr juon Aō jerbāl nān jīpañ kōkajoorḷok baamle ko jet.”

Jeramḡaneo in, jejjab makeḷok iaad ilo kijejeto ko ad. “Jīpañ eo eḷaptata,” Jejtōr Thompson ej ba, “enaaj wōr ippād ilo kōkajoorḷok baamle ko ej nān jeḷā im ḷoor katak ko an Kraist im pedped Ioon nān jīpañ kōj.”²

Jān Bwebwenato eo Ad

“Ke Jejtōr Bathsheba W. Smith eaar jerbāl āinwōt kar būreejtōn eo eutieḷ kein kemen an Doulul eo an Kōrā [jān 1901 nān 1910], eaar lo juon aikuj nān kōkajoorḷok baamle ko, im kōn menin eaar ejaake katak ko an jeḷāḷokjeñ an ḡama (mother education lessons) nān jejtōr ro ilo Doulul eo an Kōrā. Katak ko eaar koba kapilōk ilo ḡare, lale kōrā ro rōbōrḡro, im kōkkajiriri ajri. Katak kein kar rejtake katak ko an Joseph F. Smith kōn Doulul eo an Kōrā jīpañ kōrā ro ilo jerbāl ko aer ilo mweo:

“Jabdewōt jikin eo ewōr kowaan ie ak juon dik in meḷeḷe ikkijien baamle, eddo ko an baamle, ikkijien eddo ko me rej aikuj waḷok im bwe ejejjet aer waḷok ikōtaan ḷeo im lio pālele im ikōtaan ro jemen im jinen im ajri ro, eñin ej doulul eo ej pād ak ej epaak, im kōn menin letok ko ilo jetōb im imwe me rej iookḷok doulul eo raar kōpooj im pojak nān letok naan in kōmeleḷe ikkijien jerbāl ko raorōk.”³

KAKEMEMEJ KO

1. Gordon B. Hinckley, “Stand Strong against the Wiles of the World,” *Ensign*, Nob. 1995, 101.
2. Barbara Thompson, “I Will Strengthen Thee; I Will Help Thee,” *Liahona* in *Ensign*, Nob. 2007, 117.
3. *Daughters in My Kingdom: The History and Work of Relief Society* (2011), 105.

Jān Jeje Ko Rekwojarjar

Jabōn Kōnnan Ko 22:6; 1 Nīpai 1:1; 2 Nīpai 25:26; Alma 56:46–48; Doctrine and Covenants 93:40

Ta Eo Imaroñ Kōmḡmane?

1. Ekōjkan Aō maroñ jīpañ jejtōr ro Ij miḷe er nān kōkajoorḷok baamle ko?
2. Ekōjkan Aō maroñ juon kareel eo ejimwe ilo baamle eo aō?

Nān meḷeḷe ko reḷḷapḷok, etal nān reliefsociety.lds.org.